


WWW.SOLODIPUEBLO.COM



SOLODIPUEBLO@GMAIL.COM

ISRAEL A INTERCEPTA CIENTOS DI DRONES Y MISILNAN LANSA DI IRAN



A DUNA 147 PERMISO PA NEGOSHI NOBO DEN PROME KWARTAAL 2024




150 ATLETA TA NOMINA DEN PREMIO EXCELENCIA DEN DEPORTE

E anochi di gala ta tuma luga dia 19 di april proximo.



DAMA CHAUFFEUR A BOLTER AUTO DEN B. VAN DE VEEN ZEPPENFELDSTRAAT



ACCIDENTE PISA NA E CRUSADA DI SERO PITA, UN MUCHA DI 3 AÑA A RESULTA HERIDA



Minister Geoffrey Wever:

A DUNA 147 PERMISO PA NEGOSHI NOBO DEN PROME KWARTAAL 2024

Pa cuminsa un negoshi of haci cambio den e permiso pa negoshi segun ley, mester haci un peticion pa permiso di negoshi via e website di Departamento di Asuntonan Economico, Comercio y Industria (DEACI) y ta wordo otorga bou di responsabilidad di Minister di Asuntonan Economico.

Den e periodo di januari te cu maart 2024 a ricibi 627 diferente tipo di peticion. Di e 627 peticion ricibi, 277 peticion a wordo trata y e permiso relevante otorga, 196 peticion ta den tramite, 154 peticion no

por a wordo trata pa falta di documento of pago.

Di e 627 peticion ricibi y e permiso relevante otorga, 147 ta peticion pa permiso nobo den e periodo di januari te cu maart 2024. Di e 147 permiso di negoshi nobo otorga, 22 tawata pa e eenmanszaak, 21 pa filiaal, 101 pa VBA, y 3 pa un vennoot di un VOF. E tipo di actividad comercial pa cual mas permiso nobo a wordo otorga ta "houdstermaatschappij, activadnan di Real Estate, companianan di construccion kleinhandel

den diferente articulonan manera paña, hoy a y e-commerce, y importacion y comercio di auto."

Na oktober 2022 Minister Geoffrey Wever a introduci e vestigingsbeleid nobo, cu entre otro e meta pa "speed up" e proceso di otorgacion di permiso dor di elimina diferente rekisito, digitalisa ful e sistema di peticion di permiso y stimula e promising sectors, inversion den centro di Oranjestad y San Nicolas etc. Meta di e vestigingsbeleid nobo ta



tambe pa emiti permiso den un periodo di dos siman.

Minister Geoffrey Wever ta gradici DEACI pa percura cu e permisonan pa negoshi wordo emiti na forma eficiente y lihe y tambe pa compila na

un forma continuo tur informacion riba e proceso di permiso pa negoshi.

Tur informacion riba e proceso pa permiso di negoshi ta disponibel riba e website www.deaci.aw


ATROBE ACCIDENTE CU HENDE HERIDA NA E CRUSADA BANDA DI WENG KEE NA PIEDRA PLAT



Diabierna atardi a drenta informe di un accidente cu hende herida na e crusada banda di Weng Kee na Piedra Plat, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda un Hyundai Accent a sali sin duna preferencia na e Suzuki Swift y nan a dal den otro.

Debi na e impacto ambos chauffeur a resulta herida y na yegada di e ambulans a atende cu ambos herido na e sitio mes.



ISRAEL A INTERCEPTA CIENTOS DI DRONES Y MISILNAN LANSA PA IRAN

Den un atake sin precedente, Iran a lansa cientos di drones y misil riba Israel diadomingo marduga ora di Isreal, causando hopi alarma y activacion di sistema antiaéreo na Jerusalem. E sistema di defensa aereo di Israel, Domo di hero, a interceptá 99% di e obhetonan aki, pero algun misil balistico a causa daño menor.

Presidente Biden a anuncia cu forza estadounidense a yuda den e interceptacion y a promete un respuesta hunto cu aliadonan. Guardia Revolucionario Irania emiti un advertensia na Estados Unidos pa keda afor di e problema aki. E evento aki ta intensifica e tensionnan entre Israel y Iran, marcando e prome atake militar directo di Iran contra Israel.



MINISTER MADURO DI CULTURA A YAMA PARTICIPANTENAN NA E 'DUTCH CARIBBEAN DIGITAL HERITAGE WEEK' UN CALUROSO BONBINI NA ARUBA

Durante un recepcion ameno na Surfside Marina, Minister Maduro di Cultura a yama participantenan na e 'Dutch Caribbean Digital Heritage Week' un caluroso bonbini na Aruba. Pa e ocasion aki e mandatario a hiba palabra y a gradici cada participante pa nan participacion y colaboracion pa asina haci conservacion di nos herencia cultural posibel. Minister Maduro a hiba e siguiente discurso.

Un cordial bon nochi, a pleasant evening to you all. As the Minister of Finance and Culture, it is my pleasure to address and extend a warm welcome to you this evening.

As mentioned in my Opening Speech yesterday morning, it is imperative that we emphasize the significance of collaboration. In the domain of cultural heritage, collaboration plays a pivotal role in preserving and promoting the rich history and traditions of societies worldwide. By working together and through collective efforts individuals, organizations, and communities can share resources, expertise, and knowledge to safeguard cultural artifacts, monuments, and practices for future generations. Furthermore, collaborative endeavors serve to bridge cultural divides, foster mutual understanding, and celebrate the inherent diversity in human heritage.

By nurturing partnerships and cooperation, we ensure that our cultural heritage remains vibrant, accessible, and cherished by all. It is important to acknowledge that our shared Caribbean heritage serves not only as a reflection of our past, but also as a guiding light for our future. By fostering collaboration among our institutions and communities, we possess the ability to preserve and celebrate the richness of our culture for generations to come.

Let us, therefore, commit ourselves to bridging gaps, building new connections, and embark on collaborative initiatives that honor our diverse heritage, thus strengthening the bonds that unite us.

In conclusion, I wish to express my heartfelt gratitude to each one of you for gracing us with your presence and for your active participation in this Dutch Caribbean Heritage Week. As we continue our discussions and activities, let us seize this opportunity to bond in a more informal manner and engage in enjoyable camaraderie this evening, setting the stage for a vibrant and energetic continuation tomorrow.

And as Mr. Eppo van Nispen tot Sevenaer from Beeld en Geluid said, 'Ban brasa otro', Let us



hug each other and continue enjoying the rest of the evening.

Minister Endy Croes: 150 ATLETA TA NOMINA DEN PREMIO EXCELENCIA DEN DEPORTE

E anochi di gala ta tuma luga dia 19 di april proximo.



: Diaranson atardi den un esfera ameno, ronda pa atleta-, mayor-, entrenado- y invitadonan special Minister Endy Croes a presenta Premio Excelencia den Deporte, unda cu lo reconoce e

atletanan cu mas a destaca den nan disciplina durante aña 2023. Un total di 26 federacion a manda nomber di nan atleta cu mas a destaca. Lo reconoce e nominadonan dia 19 di april den un anochi di

gala dedica specialmente na nan. Un total di 150 atleta ta nomina den diferente categoria pa aña 2023. Lo reconoce binti (20) entrenado pa nan contribucion den e desaroyo di deporte di Aruba. Tambe, lo rindi homenahe na dies (10) baluarte deportivo cu a dedica gran parti di nan bida na desaroyo di deporte di Aruba. Banda di esaki, lo reconoce cinco (5) atleta olimpico cu lo ricibi un certificado y pin di Olympians for Life (OLY) for di World Olympians Association pa nan esfuerso y pa promove e balornan olimpico. Despues di e conferencia di prensa, e nominadonan a ricibi nan banchi di entrada y "goodie bag" cu ta consisti di un tas, serbete, boter di awa, headphone y pechi graba cu e logo di PED.

Comision di hurado:

E comision encarga pa scoge e ganadonan ta consisti di cinco profesional cu tine afinidad den prensa deportivo. E rekisitonan pa saca e ganadonan ta basa riba e siguiente condicionnan: 1. prestacion local; 2. prestacion internacional; 3. prestacion den comunidad di Aruba.

Ceremonia oficial:

E anochi di gala ta tuma luga diabierna 19 di april den Renaissance



Convention Center, unda cu lo otorga diferente premio, entre otro, medaya y certificado pa tur 150 nominado, plakkaat pa e 14 ganadonan, plakkaat pa e 20 entrenadonan, plakkaat pa e 10 baluartenan deportivo y premio efectivo. Tambe, 5 atleta olimpico lo ricibi un certificado y pin for di World Olympians Association.

Pa conclui, Minister Endy

Croes ta felicita tur e nominadonan cu a destaca den aña 2023 y ta deseanan hopi exito. Alabes, e mandatario di Deporte ta gradici comision organizado y tur cu a haci e proyecto aki posibel. Por ultimo, Pueblo di Aruba ta keda cordialmente invita pa sintonisa e anochi mas grandi den deporte di Aruba dia 19 di april cuminsando pa 7 or di anochi en bibo via Telearuba y Canal 22.



PREMIO EXCELENCIA EN DEPORTE



Ministerio di Enseñansa y Deporte

SINTONISA

GRAN EVENTO

Fecha: 19 di april 2024

Ora: 7:30 pm - 11:30 pm

Ta reconoce e atletanan cu a resalta den aña 2023.



Minister di Enseñansa y Deporte
Endy Croes



Deseo
Disciplina
Dedicacion
Determinacion

Relaciona cu un investigacion RECHERCHE DI SANTA CRUZ A CONFISCA UN OTRO BROMMER DI VICTIMA FATAL DI ACCIDENTE RECIEN



Diabierna mainta rechenan di distrito 4 (Santa Cruz) a bay Dakota en busca di un brommer relaciona cu un investigacion.

Ta trata aki di un otro brommer cu e victima di accidente fatal tin. Riba ordo di fiscal a bay en busca di esaki.

Pero a bin logra haya esaki na Jaburibari y a splica e familiares cu nan ta bezig cu un investigacion y pesey mester e brommer ey.

E famia a coopera y a laga recherche bay cun'e.



DAMA CHAUFFEUR A BOLTER AUTO DEN B. VAN DE VEEN ZEPPENFELDSTRAAT



Diabierna atardi a drenta informe di un accidente cu hende herida na B. Van de Veen Zeppenfeldstraat, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu e dama chauffeur a baha caminda dal riba un pilon subi esaki bay den banda y bolter.

Debi na e impacto e dama a resulta herida, na yegada di e ambulans nan a atende e dama y a transporte pa hospital.



Prome Minister Evelyn Wever-Croes:

Cu alrededor di 700 participante, Ronde van Aruba tabata un exito
PROME MINISTER TA FELICITA TUR E ATLETANAN CU A PARTICIPA Y GRADICI NAN PA ENGRANDECE DEPORTE NA ARUBA



cortico prome cu e evento a cuminsa. Ronde van Aruba ta un evento deportivo hopi conoci y gusta pa esnan cu ta den e mundo di coremento, mirando cu e ta un reto hopi grandi pa cada un di nan como deportista.



Evento a cuminsa pa 8or di anochi na Marinierskazerne, y a conta cu alrededor di 700 participante cu a core rond di Aruba, pa termina den oranan di mainta bek na Marinierskazerne. Pa e competencia aki, tabata tin atletanan den grupo y individual.



Diabierna anochi a tuma luga e magno evento deportivo Ronde van Aruba 2024. Prome Minister Evelyn Wever-Croes tabata presente na Marinierskazerne na unda el a duna un discurso

Prome Minister a expresa, cu pa presencia e comienso di Ronde van Aruba, na unda tur e atletanan a prepara pa cuminsa, tawata un sentimento particular, na unda por sinti e vibracion di positivismo, y e amor cu cada atleta tin pa e deporte di coremento. Pasobra, pa por logra competi den un

evento di e magnitud aki, ta tuma hopi dedicacion, disciplina, determinacion, y e deseo pa por yega te na final exitosamente. "Como Prome Minister di pais Aruba, mi ta hopi orguyoso di cada un di e atletanan cu a tuma e reto aki di participa na Ronde van Aruba. Un danki na Marinierskazerne pa organisa e evento aki, y na tur e sponsornan cu a haci

esaki posibel. Por ultimo, mi kier a gradici tur e participantenan pa ta un inspiracion pa cada un di nos, y pa nan contribucion na engrandece deporte na Aruba", Prome Minister a epxresa.

Pabien na tur participante y na e ganadonan di Ronde van Aruba

POLIS A BAY CU URGENCIA NA SERO PITA UNDA UN EX TABATA KIBRANDOBE PORTA

Diahuebs atardi a drenta informe di cu un homber a yega cerca su ex-pareha pa busca problema, mesora a dirigi un patruya na e sitio. Un rato despues a drenta un otro informe cu e homber ta kibrando e porta, mesora a dirigi e patruya cu mas urgencia na e sitio. Na yegada di e patruya a bin nota cu tur cos ta bao control. Polis a papia cu ambos partido y tur cos a bira trankil y polis a sigi cu su patruyahe.



Minister Endy Croes: E PAISNAN DI REINO HULANDES TA TRAHANDO DEN COLABORACION PA HIBA ENSEÑANSA RIBA UN SIGUIENTE NIVEL

E mandatario Hulandes a indica cu Minister Endy Croes ta un gran lider pa enseñansa di Aruba.

Diaranson ultimo, durante Conferencia di Prensa di Gobierno di Aruba, Minister di Enseñansa y Deporte Sr. Endy Croes hunto cu Minister di Enseñansa, Cultura y Ciencia di Hulanda Sr. Robbert Dijkgraaf a informa Pueblo di Aruba tur locual ta haciendo hunto riba tereno di enseñansa. E expertonan di Sint Maarten, Hulanda, Corsou, Boneiro y Aruba a reuni na Aruba dia 9 y 10 di april 2024 pa e proyecto Mision di Conocemento (Kenniscomisie).

E meta di “Kennismissie” ta pa traha hunto riba cierto aspecto riba nivel di MBO y enseñansa superior di e paisnan di Reino Hulandes. E temanan cu ta trata durante e reunion aki ta relevante pa tur pais entre otro, conecta e necesidadnan di mercado laboral (PEL) y intercambio di estudiante (SEA). E echo cu e sistema educativo y diploma di e paisnan

di Reino Hulandes ta similar, ta facilita nan trabou den ekipo. Ta trahando pa crea un panorama educativo pa enseñansa superior cu por beneficia e hobennan estudiante di Reino Hulandes. Durante e conferencia di trabou cu lo tuma luga na Corsou dia 11 y 12 di april, lo reuni cu e studiantenan di e islanan Caribense y di Hulanda pa intercambia informacion di nan experiencia.

Ta importante pa determina kico ta funciona y kico no y evalua unda mester busca otro solucionnan. Minister Endy Croes a gradici Minister Dijkgraaf pa su gran trabou den ekipo y a indica cu a realisa resultadonan grandi den poco tempo danki na e compromiso di Minister Dijkgraaf.

Ademas di esaki, Minister Endy Croes a menciona algun proyecto cu a realisa caba riba nivel di




Vierlandenoverleg entre otro, BSN nummer: 1. Awo e studiantenan por haci un peticion pa BSN nummer desde nan pais, pa asina facilita e proceso di registracion momento nan yega Hulanda; 2. “Mobiliteitsfonds”, unda a inverti alrededor di 1.2 miyon di euro pa e periodo 2024-2006; 3. “Stimuleringsfonds”, unda a inverti 1 miyon di euro pa e periodo 2024-2028. Ademas di esaki, ta trahando riba e recomendacionnan di Doorlichting van het Arubaanse Onderwijsbestel entre otro, registracion di data, maneho

di idioma, structura di cuida, infraestructura di edificio y modernisacion di e leynan di enseñansa. Pues ta trahando duro riba tereno di enseñansa. Minister Dijkgraaf a felicita Minister Endy Croes pa e gran trabou cu e ta haciendo pa e desaroyo di enseñansa en general. E mandatario Hulandes a indica cu Minister Endy Croes ta un gran defensor y pionero di enseñansa. Fuera di esaki, Minister Dijkgraaf a indica cu e “Kennismissie” aki por hiba e colaboracion di e paisnan di Reino Hulandes riba un siguiente nivel.

Finalmente, Minister Dijkgraaf a expresa cu nan ta orguyoso di tur loke e paisnan di Reino Hulandes a logra hunto riba tereno di enseñansa y a gradici Minister Endy Croes pa e gran trabou den ekipo.

ACCIDENTE PISA NA E CRUSADA DI SERO PITA, UN MUCHA DI 3 AÑA A RESULTA HERIDA Y UN DADO MOMENTO NO A REACCIONA



Diasabra merdia a drenta informe di un accidente pisa cu hende herida na e crusada di Sero Pita, mesora a dirigi tanto polis como ambulans na e sitio. Na yegada di e patrulla a bin compronde cu aki ta trata di un accidente pa falta di preferencia unda un Toyota Land Cruiser Prado biniendo for di Ayo a subi e crusada sin a duna preferencia na e Hyundai Elantra biniendo for di direccion di Weng Kee. E impacto tabata asina fuerte cu a kita e wiel completo for



di Landcruiser y e impacto tabata net banda patras unda un mucha di 3 aña tabata sinta y tambe e dama cu tambe a resulta herida. Na yegada di e ambulans ora di a bay tuma e mucha over ela stop di reacciona. Nan a core

hib'e den ambulans unda nan a cuminsa traha cun'e despues un otro ambulans a yega y a pasa e mucha eyden unda eynan a logra haya reaccion y e dama a bay den e otro ambulans y a hiba ambos pa hospital.

Minister Endy Croes: **EXITOSO APERTURA DI MISION DI CONOCEMENTO NA ARUBA**

E meta di “Kennissmissie” ta pa traha hunto riba cierto aspecto riba nivel di MBO y enseñansa superior di e paisnan di Reino Hulandes.



unda a trata diferente punto cu ta di vital importancia pa enseñansa. Minister Dijkgraaf ta dirigi e proyecto Mision di Conocemento (Kennismissie) cu ta consisti di directiva di 10 instituto di entre otro, mbo, hbo, universidad, experto y representante di entre otro, Academia Real Hulandes di Ciencia. Mision di Conocemento a inicia na Aruba dia 9 di april y lo continua dia 11 y 12 di april na Curacao.



Diamars mainta, Minister
 Endy Croes a ricibi bishita
 di Minister di Enseñansa,

E meta di e proyecto ta pa traha hunto pa reforsa e cooperacion riba tereno di enseñansa entre Aruba, Hulanda, Sint Maarten y Reino Hulandes. Despues di e encuentro cu Minister Endy Croes, Minister Robbert Dijkgraaf y e expertonan




a bishita Colegio E.P.I., unda a trata, entre otro, “beroeypsopleiding” y con pa conecta e necesidadnan cu mercado laboral. Tambe, a comparti idea y a dialoga con pa haci enseñansa mas flexibel, cu enfoke riba futuro y con pa brinda miho guia na e studentenan.

Ta importante pa determina kico ta funciona y kico no y evalua unda mester busca otro solucionnan.

Na final di e Mision di Conocemento lo presenta e conclusionnan, unda cu e paisnan por traha hunto. Despues di un dia basta pisa di trabou cu a inicia den oranan tempran di mainta, Minister Endy Croes a ofrece un recepcion na Universidad di Aruba, unda cu e delegadonan a intercambia conocimiento y idea. “Colaboracion ta e yabi”, Minister Endy Croes a enfatisa.

ACCIDENTE MINIMAL NA E ROTONDE BALASHI



Diahuebs anochi a drenta informe di un accidente na e rotonde Balashi, mesora a dirigi un patruya na e sitio. Na yegada di e patruya a bin compronde cu aki ta

trata di un accidente unda
2 auto a mishi cu otro cu
daño minimal.

Afortunadamente ningun
hende a resulta herida.

**CHAUFFEUR NO A REGULA SU
VELOCIDAD NI A MANTENE DISTANCIA A
BAY DAL TRAS DI UN VAN NA PARADERA**



Diabierna mainta a drenta informe di un accidente dilanti M.F.A. na Paradera, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e dama chauffeur di un auto no a regula su velocidad ni a mantene distancia a bay dal tras di un Mitsubishi L300 van.

Afortunadamente ningun hende a resulta herida.

BMW coriendo cu velocidad halto a ranca palo di luz



Caya G.F.Betico - Diadabra merdia rond di 2'or polis a bay pura poco pariba di rotonde di Verbindingsweg cu Caya G.F.Betico

Croes pa un accidente di trafico.

Ta asina cu un BMW biniendo di pariba bay-

endo direccion e rotonde a perde control dal contra un palo di luz y kibr'e completamente pa despues bay termina mas pabou.



Su version na polis, un otro vehiculo lo a sali/subi su dilanti.

Debi na e impacto fuerte, airbagnan di e vehiculo a sali. Por a mira e chauffeur

pafu di e auto papiando cu e polisnan.

Elmar a wordo poni na altura, door cu mester a bay kita e palo di luz cu a keda solamente wanta na e wayanan parti ariba.

Caso di hit&run posiblemente a resulta di tawata intencional

Mandolinstraat/ Pindasstraat - Diabierna atardi polis a bay e skina cayente den Tarabana, esta Mandolinstraat cu Pindastraat pa un caso di hit&run.

Polis a wordo informa cu un brommer lo a dal un persona, na yegada a resulta cu tawata trata cu un auto a dal un hoben ariba un scooter y bandona e sitio.

Na e sitio, mirando cu semper tin hende rond nan a conta kiko a pasa y a resulta cu ta un Nissan March ta esun cu a dal e scooter.

Rumor nan cu a circula mesora tawata cu e



hit&run lo tawata algo intencional. Debi na e esaki

mesora por mira presencia di bastante polis.



Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554**

SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen

CU DUSHI “WE AND WE BAND”

NA NAUTICAL



Su amiganan sa, cu Lady Ruth ta gusta musica di anjanan sesenta y setenta masha hopi mes. Su curason ta semper inspira cu musica di e epocanan ey. Cancionnan bunita cu bunita letra y bunita melodia of cu un bunita mensahe. Lady Ruth ta gusta musica na e idioma ingles, musica bailabel cu cua e por baila y move libremente su curpa ariba e notanan musical alegre contagioso.

Ta fe'i tempo cu ela traha como DJ Operator-Locutora na Radio Kelkboom na 1973 ela conose mas y mas musica pa hubentud, scuchando e programa pa hubentud presenta pa Ruben “Scorpio” Garcia,(awe dfm.) . Na Radio Kelkboom, (despues cu e number “The fantastic master of sound” riba banda FM) , Ruthy a conose tur clase di musica. Musica na idiomanan hulan- des, ingles, spanjo y papiamento. Tambe musica na portugues, frances y italiano. Musica clasico, musica

rock, musica beat, popular, romantico, crioyo etc. etc. Lady Ruth no ta gusta musica rap y of robodob. E ta fada liher di e mesun ripiticion shen biaha. Nan ta monotono y no tin hopi contenido impactante manera e musica di The Beatles, Bee Gees of Elvis Presley.

Lady Ruth no ta corda tur tur e bandanan musical, pero si hopi di e cancionnan bunita cu no tin dos mescos. Ta pes'ey Lady Ruth ta gusta bay e fiesta “Happy Hournan” na Aruba Nautical Club, ora nan tin esaki un ves pa luna asina of un ves cada dos luna asina cu e bandanan “Back on Track” di Ito Stamper of “We and We Band” di Wiwi Pinja.

Nos a goza un mundo atrobe recientemente na Nautical Club, e biaha aki cu “We and We Band” y nos a baila non stop di 8 pm te cu 12 or mei anochi. Nos a baila den grupo di amiganan hunto cu Judith, Thelma, Omaira, Sandra, Lydia, Melva,

Angelica y Doris. Nos a brinda riba Omaira su “Blessed Birthday” cu su dushi treat di croquette y funchi cayente cu keeshi gesmelt ariba dje, y tambe “cheezeballs” super dushi ! Hopi alegria na nos mesa asina mes sodando di e calor, pero cu un binja of cerves bon friuw.

Nos grupo dorna cu un cabayero den persona di escritor y Poeta Dominico.

Nos a goza wak e pareha, fiel bailadornan incansabel, Helene y Betto Ruiz move den nan baile bunita ariba pista. Mas caranan contento ariba pista tawata Ike y Milagros Posner, Celine y su querido esposo, nos amiga Glenda, Avis y hopi mas cu tambe ta gusta musica Oldies Back in Time. Wiwi Pinja di e banda “We and We” a toca su guitarra electrico y su sinfonia di boca manera ta ayera, cu e mesun pasion y zjeito, numa su edad tambe ya te 60 plus pero su curason ketobay cu un spirito hoben.

Wiwi y Zetsia, un cantante hoben femenino bunita tawata canta cancionnan “ Pata pata”, “Buena suerte”, “Venus”, “Satisfaction” “La Bambaba”, “Mi Limon mi limonero” y hopi mas cu a pone hopi hende subi e pista y los e pianan y heupnan un crenchi. Lady Ruth a los di dje asina hopi, cu pa su mayan e mester a hunta algo contra dolor di spier. Ora Lady Ruth ta baila, ta tur su spiernan ta baila hunto cu'ne.

Ta asina bunita di parti

di e organisadornan, pa organisa e dushi Happy Hournan bailabel aki na Nautical Club cu entrada gratis , mescos cu e Happy Hournan na Djiespies Place ariba Diabierna anochi,(numa e musica ta totalmene diferente.) Ta personanan cu ta stima nan mes y goza di bida cu ta hasi posibel pa mas hende goza di bida tambe. Manera Lady Ruth ta bisa regularmente, alegria nos por crea, tristeza sa bati na porta di mes.

E organisadornan ta stima Aruba y nan prohimo sigur pa hasi esaki di curason.

DANKI lieve mensen pa organisa e bunita y dushi anochinan bailabel aki, laga hopi di edadnan

40, 50 of 60 plus goza un mundo expresando nan mes alegremente den nan movecionnan. Bo no ta topa cu hobennan teenagers na e fiestanan aki, pero si cu adultonan cu ta sinti nan mes hoben ainda den spirito y curason cu nan clase di musica.

Danki “We and We Band” : Zetsia (vocal), Wiwi (guitar), Anthony (guitar), Emercio (bass) y Tony (drums) pa e dushi anochi recientemente y cu mas lo sigui ! Danki pa lesa nos relato. Un “bear-hug” di Lady Ruth pa bosonan tur ! Un felis dia yen di sabiduria den nos alegria ! Danki na prensa pa nan bunita cooperacion di curason.

MARAVILLAS DE LA FE

Salud Suerte - Amor

Aruba: 748-5671

Cartas di tarot

Bo ta sufrí di un malestar cu bo no por cura?
 Bo ta victima di bruheria?
 Bo plaka no ya jega?
 Bo cumpra numbernan y bo no ta gana?
 Bo ta bai casino y no puede tur bo plaka?
 Bo tin problemanan di amor?
 Bo pareja ta gañabo?
 Fracaso, Soledad, Malesanan angustia, Mala suerte
 Comunica na 748 5671

HOOI FRESCO

A YEGA PA ALF 39,- SO!!!

TEL: 5941317

ADDRESS: THE GOLD MINE

RANCH (MATIVIDIRI 60)

DIA INTERNACIONAL DI VUELONAN ESPACIAL TRIPULA, APRIL 12

Den un resolucion adopta April 7, 2011, Asamblea General di Nacionan Uni a designa April 12 como Dia Internacional di Vuelonan Espacial Tripula.

Exploracion espacial ta provee conocimiento clave di e historia di nos sistema solar. Sin exploracion espacial lo nos no tin satellite den orbita. Satellite ta asisti nos cu comunicacion global, seguridad y nabegacion aereo, terrestre y maritimo. Sin satellite lo no tawata tin GPS.

Satellite por yuda meteorologo pronostica tempo. Ademas satellite y tecnologia satelital ta hunga un papel crucial den actividadnan di observacion di Tera for di espacio, cual por yuda pa monitor, compronde y adverti nos riba potencial desasternan natural, contaminacion di oceano, factornan cu ta contribui na cambio climatico y salud di oceano y su ecosistemanan, vigila areanan grandi marino proteha, monitorea pesca ilegal y traficacion ilegal di droga, asisti cu investigacion cientifico di biologia marino y na final tambe ta esencial pa agricultura, por ehempel den monitorea awa dushi.

E United Nations Office for Outer Space Affairs (UNOOSA) ta e organo di Nacionan Uni responsabel pa cooperacion internacional den usonan pacifico di espacio ultraterrestre.

TEMA PA 2024

E tema pa e aña aki ta “Encourage Scientific Curiosity” esta, “Encurasha Curiosidad Cientifico”.

Pasobra espacio, exploracion di espacio, tecnologia espacial y estudio di espacio ta cubri hopi area di cual algun ta aparece regularmente den noticia, manera recientemente e eclipse solar total, ta bon pa fiha kico

ciencianan espacial ta cubri promer cu nos papia di encurasha curiosidad cientifico pa esaki.

Ciencianan espacial ta consisti di dos ramo general: astronomia y astronautica, cual ultimo na su turno ta forma parti di ingenieria aeroespacial cual ta cubri tambe tecnologia usa den nos atmosfera (p.e. avion, radar, drone) y tecnologia satelital.

Astronomia ta cubri astrofisica, cosmologia (origen di nos universo), ciencia planetaria, astrochimica, y areanan interdisciplinario manera astrobiologia (biologia no-terrestre), astrobotania y biologia espacial (estudio di efectonan di espacio riba animal y planta).

Di e tecnologianan usa den astronomia nos ta haci mencion specifico di astronomia observacional, manera radio astronomia, astronomia infrarojo, astronomia optico, astronomia ultravioleta, astronomia rayo X y rayo gamma y astronomia di onda gravitacional, cual tur ta capta mas di nos atencion ya cu nan ta resalta den noticia regular tocante e James Webb Space Telescope, sondanan pa studia planeta Marte, luna, asteroide y cometa y tipo di planeta cu ta orbita otro sistemanan estelar (exoplaneta), entre otro den e buskeda pa exoplaneta cu por tin bida.

Astronautica, cu ta un parti di ingenieria aeroespacial ta inclui tecnologia espacial pa vuelonan espacial, arquitectura espacial entre otro pa diseño di modulo pa habitacion espacial y estacion espacial y estudio di bida den espacio di cual ta resalta bioastronautica, estudio di efectonan di es-

pacio riba curpa humano, produccion di alimento y productonan farmaceutico den espacio (farmacia espacial).

Pues tin hopi area y tema den cual nos por encurasha curiosidad cientifico.

Nacionan Uni a crea mediante varios di su organonan programa, proyecto y iniciativa cientifico enfocando riba ciencia y of tecnologia espacial y en particular nan aplicacion practico den areanan concreto.

E edicion No. 6, 2020 di ITUNews Magazine di International Telecommunication Union ta dedica na e tema “Space Science for Achieving the Sustainable Development Goals” y ta enfoca ariba e importancia di observacion di tera for di espacio, monitoreo di atmosfera, oceano y clima.

Pero e importancia di tecnologia espacial ta hopi mas amplio y pesey den e Resolucion A/76/L3 adopta pa Asamblea General di Nacionan Uni, 25 oktober 2021 a crea e Space2030 agenda como instrumento di impulso pa logra e Obhetivonan di Desaroyo Sostenibel (SDGs).

Den e rapport di UNCTAD titula Exploring Space Technologies for Sustainable Development di 2021 ta destaca seis area principal (1) alimento y agricultura, (2) aplicacion den cuidio medico y salud, (3) acceso na telecomunicacion y internet, (4) reduccion di riesgo di desaster y asistencia humanitario, (5) manejo di recurso natural y medio ambiente y (6) reduccion di pobresa.

Den e capitulo dedica na avanza tecnologico ricien ta identifica (1) inteligencia artificial y cloud computing, (2) plataforma emergente di tecno-



logia satelital y aereo y (3) crowdsourcing.

Tambe ta señala e falta di conocimiento di e beneficianan di tecnologia espacial y scarsedad di recurso humano y financiero pa utiliza esakinan.

Den un presentacion di Danielle Wood di MIT Media Lab y directora di e Space Enabled Research Group di MIT ta identifica seis tecnologia espacial cu actualmente ta sostene e SDGs: (1) satellite earth observation, (2) satellite positioning and navigation, (3) human space flight and micro-gravity research, (4) satellite communication, (5) space technology transfer y (6) inspiration from research and education.

E SDG cu mas ta beneficia di tecnologia espacial ta SDG 9, Industria, Innovacion y Infraestructura.

Den e publicacion di UNOOSA y e European Global Navigation Satellite System and Copernicus, Supporting the Sustainable Development Goals: Building Blocks towards the 2030 Agenda ta duna un resumen detaya pa cada un di e 17 SDGs con por aplica tecnologia espacial.

UNOOSA pa facilita acceso na tecnologia espacial pa tur pais por utiliza esaki den logra e SDGs a crea e programa Space4SDGs.

Pa loke ta astronautica cu ta toca e area di vuelonan espacial tripula tin hopi actor den sector publico y sector priva activo. Di companianan den ingenieria aeroespacial, agencianan espacial, di cual NASA y ESA ta esnan mas conoci,

pero ultimamente nos ta wak paisnan manera Japon, Sur Korea, Emiratonan Uni Arabe, India, China y Rusia activo tambe den manda sonda pa investiga Marte, luna, asteroide y nos sistema solar.

Exploracion espacial comercial di SpaceX, Blue Origin, Virgin Space y hopi mas ta creando un panorama nobo completo di industria liga na astronomia y astronautica.

Esakinan lo requiri personal cualifica y tecnico den ramo nobo y existente, pa cual lo bay tin mester di un generacion nobo di ingeniero, cientifico y tecnico pa cumpli cu e demanda di personal specializa.


Pesey e tema pa e aña 2024 ta “Encurasha Curiosidad Cientifico”

Na Aruba y den exterior tin hopi Arubiano activo den e ramo di astronomia y astronautica y varios trahando tanto na NASA na Merca como ESA na Europa y nos por conta cu un cantidad di estudiante Arubiano gradua den ciencianan espacial.

Aruba como pais cu un grado halto di digitalizacion, utilizacion di Internet, servicio online y un infraestructura di telecomunicacion avanza por beneficia di utilizacion di ciencia y tecnologia espacial pa desaroya y amplia su base economico.

Telecomunicacion avanza y infraestructura digital por contribui na crea sector industrial high tech nobo na Aruba, particularmente entre otro mediante e programa Space2030 y Space4SDGs.

Detencion den oranan di atardi na airport



Diasabra atardi a sosode un detencion na airport. E vehiculo di transporte

policial mester a bay airport pa asina busca e detenido y hib'e na un warda

di polis. Nos a puntra vocero policial pero te na e momen-

tonan aki nos no a haya ningun informacion oficial ainda.

Nos ta supone cu e lo tabata burachi y no a ser permiti pa aborda e avion.

DURANTE PATRUYA NA ALTO VISTA POLIS A PARA UN CHAUFFEUR CU A ACTUA RARO, A DETENE Y CONFISCA E VEHICULO CU HOPI PLACA Y DROGA



Diabierna madruga durante patruya na Alto

Vista polisnan atento di distrito 2 (Noord) a nota

un chauffeur spanta ora a wak polis y a par'e pa un



control. Pa di prome e no por a muestra rijbewijs ni permiso pa ta legalmente na Aruba. Ora polis a controla den e auto a bin haya

hopi placa y droga, polis a confisca placa, droga y e auto. Ademas a detene e chauffeur pa tramita su expulsion for di Aruba.



Ehercicio por reverse embehecimento?

Algun científico a descubri cu un tipo di vet ta acumula den e curpa mientras cu e persona ta embehece y cu e proceso aki por wordo reversed (reverti) mediante ehercicio, segun un estudio publica diabierna.

"E biologia compleho di e lipidonan ta fundamentalmente pa embehecimento," e investigadonan a afirma, agregando cu e proceso por wordo modifi-

ca cu entrenamiento a corto plaso.

Den cuadro di e investigacion, e científiconan a evalua e tehido muscular di raton y hende, tanto di hoben como di adulto. Nan a haya un acumulacion marca di vet bis (monoa-cilglicerol) fosfaat (BMP) den e lipidoma humano cu ta aumenta mientras cu tempo ta pasa.


Despues, e autornan di e trabao a descubri cu "un intervencion pa un embehecimento saludabel cu a consisti den ehercicio di modera pa vigoroso, por reduci e nivelnan di BMP den hende muhe pos-menopausico participante den e investigacion."

"E idea cu nos por reverse e embehecimento ta algo cu durante hopi tempo a considera un ciencia fic-




cion, pero e hallazgonan ey a permiti nos comprende hopi mas riba e proceso di embehecimento," Riekelt Houtkooper, profesor di laboratorio di Malesa Metabolico Genetico di e Universidad di Amsterdam, a comenta.

Un opinion similar Georges Janssens, profesor asistent di e mesun institucion, a expresa. "Tur hende ta bisa cu "ta solamente parti di embehecimento," pero e no mester ta berdad," el a resumi.




5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9


	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 13 April 2024 Anochi




Sorteo # 8218
3842
2924
0154




Sorteo # 2484
0x Jackpot
0x Match 4+
4x Match 4
115x Afl. 12,00


Joker 4 Letter D
Proximo Jackpot
210.000,-




X2




Sorteo # 7262
4844




FP




Sorteo # 1967
8319




Sorteo # 6021
3378
Piscis



Sorteo # 951
676




X2




Sorteo # 6443
0x Jackpot
6x Match 4
141x Afl. 8,00

Proximo Jackpot
56.000,-




Sorteo #
0x Jackpot
0x match 4
0x Afl. 500,00
0x Afl. 50,00
0x Afl. 15,00


Mega Ball
Proximo Jackpot
350.000,-




Afl. 450.000,-




Sorteo #






Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 14 April 2024 Merdia




Sorteo # 4238
3169
2846
7531




Sorteo #
0x Jackpot
0x Match 4+
0x Match 4
0x Afl. 12,00


Joker Letter
Proximo Jackpot
210.000,-




X3




Sorteo # 4238
4855




FP




Sorteo # 2294
7837




Sorteo # 4238
8534
Sagitario



Sorteo # 1112
748




X2




Sorteo # 6444
0x Jackpot
5x Match 4
89x Afl. 8,00

Proximo Jackpot
58.000,-




Sorteo #
0x Jackpot
0x match 4
0x Afl. 500,00
0x Afl. 50,00
0x Afl. 15,00


Mega Ball
Proximo Jackpot
360.000,-



Afl. 460.000,-



Sorteo #



Motociclista no a duna auto preferencia y a bay dal riba dje resultando herida



Diabierna merdia a drenta informe di un accidente cu hende herida na e crusada Frankrijkstraat Italiëstraat, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente na un bayonet kruispunt entre un Hyundai Getz y un motociclista. Aki e motociclista mester a para pa duna preferencia na Hyundai Getz y dor cu e no a haci esaki nan a dal den otro y e motociclista a cay y herida su mes te cu weso tabata exponi na e herida. Na yegada di e ambulans nan a atende e motociclista y cu yen di dolor a pone

den e ambulans y asina a transporte pa hospital.



HOROSCOPO

15 di april 2024

Feliz y productivo dialuna. Awe Solo di Pueblo ta presenta bo horoscop pa dia 15 di april, 2024.

Aries
"Love at first sight" no ta nada recomendabel. Dia poco propicio pa realisa maneho financiero. E dia laboral di awe lo ta agotador. Drumi algo mas, bo tin mes- ter di dje. Number di suerte: 31, 61, 5.

Tauro
Laga bo es cautiva p'e per- sona ey cu bo tin cerca. Per- cura spaar un poco mas. Den e reunion di trabao lo bo ta briyante. Evita cuminda cu por duna bo gas. Number di

suerte: 42, 41, 4.

Geminis
Basilon breve y encuentro momentaneo. Bo nivel eco- nomico ta mehora, controla bo ambicionnan. Traha cu diligencia, bo compañero- nan lo gradici bo. Adopta precaucion adicional den cuadro cu higiena. Number di suerte: 95, 45, 2.

Cancer
No sea agresivo cu e hende- nan cu kier bo. Por ta cu du- rante e dia di awe lo bo ricibi algun "placa". Confiansa den bo mes y den bo eficacia na trabao. Bon salud, pero nunca ta di mas haci algo di ehercicio. Number di suerte:

17, 41, 2.

Leo
Relacion di pareha ta ex- celente cu gran entrega mu- tuo. Bo current account ta aumenta; saca probecho. Na bo trabao nan tin bo bon considera. Haci ehercicio relajante. Number di suerte: 18, 76, 9.

Virgo
Lo bo bay fiha riba un di bo amigonan, pero nada lo pasa. Evita inverti den algo cu no ta muestra cla. Tension laboral, mantene bo alerta. Posibel dolor muscular door di e actividad nobo ey. Num- ber di suerte: 57, 84, 4.

Libra
No pensa mas riba loke a sosode cu bo pareha, relaha. Awe lo bo mira bo placa du- plica danki na un bon inver- sion. Bon noticia riba trabao, si bo ta desemplea aworaki. Cuida bo garganta di mane- ra special. Number di suerte: 13, 39, 7.

Scorpio
Consolidacion di bo relacion amoroso. E posicion nobo di trabao lo reporta mayor ben- eficio. Wanta un rato cu e proyec- tonan laboral mas ambi- cioso. Revisa bo first aid kit prome cu bo biaha. Number di suerte: 45, 91, 6.

Sagitario
Acudi n'e fiesta ey cu bo pareha, e lo ta bon. E base di un bon economia ta control. E relacion cu bo superiornan no ta bon, sea diplomatico. Perfecto estado fisico danki na bo resistencia natural. Number di suerte: 96, 81, 3..

Capricornio
Bo pareha ta aprecia e deta- yenan cotidiano; no lubida. Purba domina e situacion di e caos economico total. Lo bo tuma decision impor- tante na bo trabao. Corda e cita cu e dentista. Number di suerte: 57, 65, 3.

Acuario
Lo bo influencia den e rela- cionnan di otro y lo bo sinti bon. Suerte lo ta na bo banda pa loke ta economia.. Bon ex- pectativa profesional, bida ta hariendo cu bo. Percura pa bo no trasnocha demasiado. Number di suerte: 65, 24, 5.

Piscis
Si bo no kier sufri un desen- gaño, habri bo wowonan. E miho cu bo por haci ta inver- ti bo placa. Bon ambiente na bo trabao, loke lo haci pa bo anima. Bo lo por sufri algun mareo, cuida bo presion. Number di suerte: 91, 34, 3.

E BON NOTICIA

**E 7 Sacramentonan di
Salbacion segun e Bijbel**

BAUTISMO Mateo 28: 19-20, Cristo Hesus ta bisa Su Apostelnan: “Bai pues y haci tur pueblo bira Mi discipelnan y bautisanan den nomber di Tata y di Yiu y di Spirito Santo y sinja nan warda tur loke Mi a manda boso. Mira, Mi ta cu boso nan tur dia te na cabamento di mundo”. Huan 3: 5-6; “Hesus a responde: Enberdad, enberdad Mi ta bisa boso, si hende no nace di awa y spirito, e no por drenta den Reino di Dios. Loke a nace di carni, ta carni y loke a nace di Spirito ta Spirito.” Pa medio di Bautismo den Misa, e pika original di Adam y Eva ta wordo kita y e baby ta bira yiu di Dios

Tata y tempel di Spirito Santo y su bida eterna a cuminsa.

CONFIRMACION
Echonan 2: 1-4,e Apostel-
nan di Hesus tabata reuni:
“Ora cu dia di Pentecoste a
jega, nan tur tabata hunto
na e mesun lugar. Diripi-
ente a bini di cielo un ruido
manera un biento fuerte a
lanta y a yena henter e cas
caminda nan tabata sinta.
Algo manera candela apa-
rece y a parti Su mes na len-
ganan y a bai para riba cada
un di nan. Nan tur a jena cu
Spirito Santo y a cuminsa
ta papia den lenganan stra-
nhero, segun Spirito tabata
duna nan pa expresa.”
Echonan 19: 6; “Despues cu

Pablo a pone man riba nan,
Spirito Santo a bin riba nan;
nan tabata papia den lenga-
nan y tabata profetisa.”
Esaki ta sosode ora cu
Obispo pone man riba e ho-
bennan, pa nan ricibi Don-
nan Spiritual.

CONFESION DI E PIKAN- AN

Huan 20: 23; Hesus a bisa na Su Apostelnan: “Na esnan kende su pikanan boso ta pordona, nan ta keda pordona y na esnan kende su pikanan boso no ta pordona, nan no ta keda pordona.”

Akinan Hesus ta duna Su prome Obisponan, e autoridad pa pordona pika.

E EUCHARISTIA

Lucas 22: 19-20; “Despues Hesus a cohe e pan, a gradici Dios, a kibr'e, a duna nan y a bisa: Esaki ta Mi Curpa cu ta entrega pa boso. Haci'e pa boso corda riba Mi. Di e mesun forma, E'l a cohe e copa despues di cena y a bisa: Esaki ta e Copa di Aliansa Nobo confirma cu Mi Sange, cu lo ta derama pa boso.”

Huan 6: 53-54; “Hesus a responde nan: Mi ta sigura boso, si boso no come Carni di Yiu di hende y no bebe Su Sanger, boso lo no tin bida den boso. Esun cu come Mi Carni y bebe Mi Sanger tin bida eterna y Ami lo lante for di morto riba e ultimo dia.”

Den e Santa Eucaristia den
Misa, nos ta sigi recorda
Cristo Hesus Su Sacrificio y
Morto na Crus y den e Santo
Comunion, nos ta sigi ricibi
e Curpa y e Sanger di Cristo
Hesus pa bida eterna.

MATRIMONIO

Mateo 19: 4-6; “Hesus a duna pa contesta: Boso no a lesa, cu na principio Dios Creador a traha hende homber y muher y a bisa: Pa esey e homber lo laga su tata

y mama pa e mara su mes na su muher y e dosnan aki lo bira un curpa. Asina pues ya mas nan no ta dos, siendo cu nan a bira un solo curpa. Pa esey loke Dios a uni, hende no ta permiti di separa di otro.” E union matrimonial aki, ta sosode den Misa pa medio di un sacerdote y Dios no ta reconoce divorcio. E union di curpa, ta pa e pareha haci relacion sexual pa forma famia.

ORDEN SACERDOTAL

Marco 3: 13-15 ; "Hesus a subi riba sero y a jama esnan cu E tabata kier y nan a bin cerca dj'E. Asina E'l a forma un grupo di 12 cu E'l a jama Apostel. E'l a scohe nan, pa nan companj'E y a mandanan predika, cu poder pa saca demonio."

Mateo 16: 18-19 ; "Ami awor ta bisa bo: Bo ta Pedro y riba es baranka di piedra aki, lo Mi traha Mi Iglesia y e forsan di fierno lo no podera

di dje. Lo Mi duna bo yabinan di Reino di Cielo y tur loke bo mara na tera, lo ta mara den cielo y loke bo los na tera, lo ta los den cielo tambe.”

Echonan 20: 28; “Cuida bosonan tur y tur e rebanjonan di carne cu Spirito Santo a pone na boso encargo, manera Obisponan pa cuida e Iglesia di Senjor. E Iglesia cu E'l a gana cu Su mesun Sanger.”

E Apostelnan ta e prome Obisponan y San Pedro ta e prome Vicario di Cristo Hesus, cu ta e prome Papa di Iglesia.

UNION DI ENFERMO-
NAN.

Hacobo 5: 14-15 ; Esnan cu ta enfermo, lag'e jama e ancianonan di Iglesia, pa nan resa p'e y hunt'e cu azeta den Nomber di Senjor. Y e oracion haci cu fe, lo salba e enfermo, Senjor lo lant'e y si e'l a haci pikanan, Senjor lo pordon'e."

ORACION DI DIA

Un dia fructifero colma cu hopi bendicion di Dios

"Ma algo tabata stroba nan bista, di moda cu nan no
por a reconoc'E" Lucas 24,16

Hesus ta aparece na dos discipel cu ta na caminda pa Emaus. Riba caminda pa Emaus, Cleofas y otro discipel nan wowo tawata tapa y scur door di tristeza di loke a pasa cu Hesus na Herusalem, p'esey nan no por a reconece Hesus na prome instante, pero mas laat y mientras Hesus tawata come hunto cu nan y El a coge e pan, gradici Dios, kibr'e y duna nan. E ora nan wowo a habri y nan a reconece Hesus. Hesus resucita ta sali na encuentro di Su siguidonan cu ta experimenta dificultadnan y ta perdi sin futuro. Durante di Su ministerio terenal

Hesus a muestra amor pa Su proximo, ora E tawata bendiciona y sirbi pobernan, enfermonan y afligidonan. Hesus no ta un stanhero den nos caminda, pero Hesus crucifica cu a Resucita y ta busca nos. E conoce nos y ta stima nos. Den nos propio caminda pa Emaus, Hesus ta invita nos pa bin cerca di E y pa nos sinti goso cu n'E. Nos mester invita Hesus pa keda cu nos. Nos mester renoba nos Fe den di E cu oracion diario y honra Escritura. Asina semper Hesus ta cerca nos.

Oracion: Mi Señor y mi Dios, pa semper mi keda puntra pa Bo Señor, acudi na Bo poder y cu mi keda busca Bo cara Sagrado. Amen.



VALIDO TE DIALUNA 15 DI APRIL 2024,
18:00 ORA

TEMPO:

AWE TARDI Y AWE NOCHI: PARCIALMENTE
NUBLA
Y GENERALMENTE SECO
DEN MARDUGA Y MAYAN: PARCIAMENTE
NUBLA CU UN
AWACERO PASAJERO

TEMPERATURA MAXIMO 33 GRADO CELSIUS

TEMPERATURA MINIMO 27 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 34 PA 39 GRADO
CELSIUS

UV INDEX: 12

AVISO/ ALERTA:

TA SUGERI OCUPANTENAN DI BOTO CHIKI-TO PA BAI

CU CAUTELA NA PARTINAN OOST TE NOORDWEST

DI COSTA.

**PRONOSTICO DI TEMPO PA PROXIMO 3 DI-
ANAN:**

PARCIALMENTE NUBLA SIN AWACERO DE
IMPORTANCIA.

BIENTO LO TA MODERA TE BASTA FUERTE
FOR DI

DIRECCION OOST; FUERTE TE DURO DEN
RAFAGA.

TEMPERATURA (GRADO CELSIUS) MAX /
MIN LO TA: 33 / 27